



**REPUBLIKA E KOSOVËS**  
REPUBLIKA KOSOVA – REPUBLIC OF KOSOVO  
**KËSHILLI GJYQËSOR I KOSOVËS**  
SUDSKI SAVET KOSOVA - KOSOVO JUDICIAL COUNCIL

---

***VERSIONI I KONSOLIDUAR I KODIT TË ETIKËS PROFESIONALE PËR  
GJYQTARË***

*Teksti me ndryshimet dhe plotësimet e bëra me vendimin numër KGJK.nr. 50/2016 të Këshillit Gjyqësor të Kosovës është përpiluar me qëllim që lexuesi ta ketë më të lehtë të njoftohet me dispozitat pozitive që kanë të bëjnë më tekstin bazë të Kodit bazë dhe vendimit përmes të cilit është bërë amandamentimi i Kodit të Etikës Profesionale për Gjyqtarë.*



**REPUBLIKA E KOSOVËS**

REPUBLIKA KOSOVA - REPUBLIC OF KOSOVO

**KËSHILLI GJYQËSOR I KOSOVËS**

SUDSKI SAVET KOSOVA - KOSOVO JUDICIAL COUNCIL

Republika e Kosovës  
Republika Kosovo  
Republic of Kosovo  
KËSHILLI GJYQËSOR I KOSOVËS  
SUDSKI SAVET KOSOVA  
KOSOVO JUDICIAL COUNCIL

Nr.Br.No.

01, 238

17. 08. 2016

PRJECTINË - A

Duke pranuar se një gjyqësor i pavarur dhe i ndershëm është thelbësor për të dhënë drejtësi në një shoqëri demokratike, për të forcuar epërsinë e sundimit të ligjit dhe për të mbrojtur liritë individuale;

Të vetëdijshëm për domosdoshmërinë që dispozitat që synojnë të sigurojnë garanci më të mira për kompetencat, pavarësinë dhe paanshmërinë e gjyqtarëve të plotësohen me një kod të etikës dhe sjelljes profesionale;

Duke respektuar parimet themelore te Kombeve te Bashkuara për pavarësinë e gjyqësorit të miratuar nga Asambleja e Përgjithshme e Kombeve te Bashkuara në nëntor 1985;

Duke ju referuar rekomandimit numër R (94) 12 të Komitetit të Ministrave të Këshillit të Evropës për shtetet anëtare mbi pavarësinë, efikasitetin dhe rolin e gjyqtarëve dhe duke i adaptuar objektivat të cilat i shpreh;

Duke marrë parasysh Kartën Evropiane mbi Statutin e Gjyqtarëve dhe memorandumin shpjegues të saj të përgatitur nga Këshilli i Evropës dhe të miratuar në Strasburg në korrik 1998;

Duke pasur parasysh kërkesat kushtetuese të përcaktuara me nenin 102, paragrafi 4, nenin 106 dhe nenin 108, paragrin 2, të Kushtetutës së Republikës së Kosovës;

Duke ju referuar nenit 12 të Ligjit 05/L-032 për ndryshimin dhe plotësimin e Ligjit 03/L-199 për Gjykatat, nenin 35 të Ligjit për Gjykatat, dhe nenit 4 paragrafi 1.17 të Ligjit për Këshillin Gjyqësor të Kosovës (KGJK);

Këshilli Gjyqësor i Kosovës, nxjerr:

### **KODIN E ETIKËS PROFESIONALE PËR GJYQTARË**

Ky Kod i Etikës Profesionale për gjyqtarë ka për qëllim të përcaktojë rregullat e sjelljes së gjyqtarëve në Republikën e Kosovës si dhe të vë në dijeni publikun për sjelljen që duhet ta ketë gjyqtari i Republikës së Kosovës.

Format specifike të sjelljes së pahishme të përshkruara në këtë Kod nuk janë gjithëpërfshirëse. Çdo veprim i ndërmarrë nga gjyqtari edhe nëse nuk është

pasqyruar në këtë Kod, por ka efekt të ngjashëm konsiderohet shkelje e këtij Kodi dhe për rrjedhojë mund të sanksionohet.

Rregullat e sjelljes së gjiqtarëve janë të sendërtuara mbi parimet bazë të etikës profesionale si në vijim:

## 1. Pavarësia

Gjiqtari ushtron funksionin e tij në mënyrë të pavarur, bazuar në Kushtetutë, ligj dhe vlerësimin individual të fakteve, pa ndonjë kufizim, ndikime të padrejta, nxitje, presione, kërcënime ose ndërhyrje, direkt ose indirekt, nga çdokush e për çfarëdo arsy, duke ruajtur dhe promovuar pavarësinë në aspektin individual dhe institucional.

### Zbatimi

- 1.1 Gjiqtari gjatë ushtrimit të funksionit të tij është i pavarur në raport me pushtetin legjislativ dhe ekzekutiv, publikun, mediumet, dhe institucionet e tjera si dhe në raport me palët në procedurë dhe nuk i nënshtrohet apo vennënshtrohet asnjë presioni eventual.
- 1.2 Gjiqtari duhet të përbahet nga çfarëdo sjellje që mund të nxitë dyshimin në të qenurit apolitik.
- 1.3 Gjiqtari gjatë ushtrimit të funksionit të tij është i pavarur edhe nga kolegët dhe bartësit e tjerë te funksioneve gjiqësore, në aspektin e marrjes së vendimit.
- 1.4 Gjiqtari promovon standarde të larta të sjelljes gjiqësore me qëllim të forcimit të besimit të publikut në gjiqësor.
- 1.5 Gjiqtari nuk është i detyruar t'i sqarojë pikëpamjet e tij ligjore dhe gjendjen e vërtetuar faktike, përveç në arsyetimin e vendimit ose kur ligji e kërkon shprehimisht.

## 2. Paanshmëria

Gjiqtari gjatë ushtrimit të funksionit të tij i trajton të gjitha palët në procedurë në mënyrë të barabartë pa favorizime, anime dhe paragjykime. Gjate gjithë kohës gjiqtari duhet të jetë dhe duhet të duket i paanshëm. Paanshmëria ka të bëjë jo vetëm me vendimin, por edhe me procedurën e marrjes së vendimit.

### Zbatimi

- 2.1 Gjiqtari me sjelljet e tij në gjykatë dhe jashtë gjykatës ruan dhe avancon besimin e publikut dhe palëve në paanshmërinë e tij dhe gjiqësorit në përgjithësi.
- 2.2 Gjiqtari gjatë zhvillimit të aktiviteteve zyrtare dhe private, me sjelljet e tij duhet të minimizojë mundësinë e përjashtimit nga procedura gjiqësore për shkak të këtyre rr Ethanave.

- 2.2.1 Gjyqtari mund të merr pjesë në aktivitete shoqërore, bamirësie dhe fetare nën kushtet si në vijim:
- a) t'i shmanget çdo aktiviteti apo lidhjeje që mund të ndikojë negativisht në paanshmërinë e tij apo mund ta pengojë në kryerjen e funksionit të tij gjyqësor;
  - b) të mos shfrytëzojë pozitën e tij si gjyqtar për mbledhjen e mjeteve financiare;
  - c) të mos jap këshilla juridike, përfshirë këshillat në lidhje me investime financiare.
- 2.2.2 Gjyqtari përbahet nga anëtarësia në grupime dhe organizata ose pjesëmarrje në diskutime publike në të cilat, sipas opinionit të publikut, nxit dyshime në paanshmërinë e gjyqtarit ose gjyqësorit në përgjithësi.
- 2.2.3. Gjyqtari nuk mund të:
- (a) jetë anëtar i ndonjë subjekti politik;
  - (b) merr pjesë në tubime apo manifestime politike;
  - (c) jep kontribute financiare apo kontribute tjera subjekteve politike;
  - (d) merr pjesë publikisht në diskutime politike që drejtpërdrejt ndërlidhen më punën e gjykatave, pavarësinë e gjyqësorit apo aspektet fundamentale të zbatimit të së drejtës;
  - (e) nënshkruaj peticione që mund të kenë ndikime në ndonjë vendim politik.
- 2.2.4. Gjyqtari përbahet nga sjelljet që mund të japid përshtypje te publiku se është politikisht aktiv, duke përfshirë edhe pjesëmarrjen në aktivitete politike ne formë përkrahjeje të ndonjë nga anëtarët e familjes së ngushtë dhe përmes çdo forumi apo mediumi, duke përfshirë mediat sociale.
- 2.3. Gjyqtari, në relacionet e tij personale dhe me pjesëtarët e komunitetit të drejtësisë i shmanget situatave në të cilat në mënyrë të arsyeshme mund të vë në dyshim paanshmërinë e tij.
- 2.4. Gjyqtari nuk komenton publikisht apo privatisht për çfarëdo lënde në procedurë gjyqësore e që mund të nxitë dyshimin në paanshmërinë e tij.
- 2.5. Gjyqtari do të kërkojë përjashtimin e tij nëse te publiku mund të krijojë përshtypjen, ose kur e vlerëson vetë, se nuk është në gjendje të vendos në lidhje me lëndën në mënyrë të paanshme.

### **3. Barazia**

Gjyqtari gjatë punës së tij respekton parimet e barazisë së palëve ne procedurë duke njojur dhe respektuar diversitetin në shoqëri në baze të racës, ngjyrës, gjinisë, përkatesisë fetare, përkatesisë nationale, orientimit seksual, nevoja të veçanta, moshës, statusit martesor, shoqëror dhe ekonomik dhe çdo kriteri tjeter, si dhe i trajton në mënyrë të barabartë të gjithë ata me të cilët ka kontakte profesionale.

Gjyqtari ka të drejtë dhe obligim që të kërkojë nga personeli i gjykatës dhe vartësit e tij që ndaj pjesëmarrësve në procedurë dhe publikut që i drejtohen gjykatës të sillen duke respektuar parimet e barazisë.

#### **Zbatimi**

- 3.1 Gjyqtari gjatë ushtrimit të funksionit të tij nuk duhet qoftë me fjalë, gjeste apo sjellje të shfaq anshmëri apo paragjykim ndaj cilitdo individ apo grup.
- 3.2 Gjyqtari gjatë ushtrimit të funksionit siguron trajtim të barabartë të palëve në procedurë.
- 3.3 Gjyqtari nuk duhet t'ju lejojë palëve, personelit gjyqësor dhe personave tjerë që janë nën mbikëqyrjen e tij, që në çfarëdo mënyre, duke përfshirë pa u kufizuar që me sjellje të pabarabartë të trajtojnë pjesëmarrësit në procedurë.

### **4. Integriteti**

Gjyqtari sillet në mënyrë të ndershme, të dinjitetshme dhe duhet të jetë gjatë tërë kohës në harmoni me karakterin e lartë moral, i cili është thelbësor për ruajtjen e reputacionit të gjyqësorit.

Gjyqtari duhet të sillet me integritet, si në jetën profesionale ashtu edhe në jetën personale, dhe nuk duhet të përdorë gjuhën e urrejtjes apo të ketë sjellje të pahijshme apo të vrazhdë.

#### **Zbatimi**

- 4.1 Gjyqtari si bartës i funksionit të rëndësishëm publik dhe që i nënshtrohet vazhdimisht mbikëqyrjes nga publiku, sipas vullnetit të lirë pranon kufizimet që i imponon funksioni që ushtron.
- 4.2 Gjyqtari sillet në atë mënyrë që afiron besimin e publikut dhe integritetin e sistemit gjyqësor.
- 4.3 Gjyqtari, si çdo qytetar tjeter, ka të drejtë t'a shpreh lirshëm mendimin, besimin fetar si dhe të marrë pjesë në takime që kanë të bëjnë me ushtrimin e këtyre lirive, mirëpo gjatë realizimit të këtyre të drejtave duhet të sillet gjithmonë në atë mënyrë që të ruajë dinjitetin, pavarësinë dhe paanshmërinë e gjyqësorit.

- 4.4 Gjyqtari nuk do të lejojë që interesat e tij financiare dhe të familjes së tij të ngushtë të ndikojnë negativisht në integritetin e funksionit të cilët ushtron.
- 4.5 Gjyqtari nuk do të lejojë që relacionet e tij familjare, shoqërore apo tjera të ndikojnë ne mënyrë te padinjitetshme ne ushtrimin e funksionit të tij.
- 4.6 Gjyqtari në asnjë rrethanë nuk do të shfrytëzojë pozitën e tij gjyqësore, as t'i lejojë të tjerët që ta shfrytëzojnë pozitën e tij për interesa private.
- 4.7 Gjyqtari gjatë ushtrimit të funksionit të tij nuk do t'i ndaj me tjerët, bëj publike apo shfrytëzojë për qëllime tjera informatat që i pranon.
- 4.8 Gjyqtari, vetëm me vendim të Këshillit dhe pas orarit të punës, mund të marrë pjesë në aktivitete në të cilën nuk ndërlidhen me funksionin e tij gjyqësor nëse këto aktivitete jo-gjyqësore nuk e vënë në pikëpyetje efikasitetin, performancën si dhe ushtrimin e rregullt dhe të drejtë të funksionit të gjyqtarit. Angazhimet e tillë brenda orarit të punës nuk janë të lejuara, me përjashtim të rasteve kur me ligje të posaçme me qëllim të funksionimit të sistemit, parashihen edhe angazhime gjatë orarit të punës, p.sh: mbajtja e ligjëratave në IGJK për trajnimin e gjyqtarëve dhe prokurorëve, pastaj marrja pjesë nëpër komisione për hartimin e draft ligjeve. Për qëllime të këtij rregulli, aktivitetet jo-gjyqësor nënkuption aktivitetet ku gjyqtari mund te flasë, shkruajë, ligjerojë dhe të marrë pjesë në aktivitete shkencore dhe profesionale të ndërlidhura me ligjin, sistemin juridik dhe administrimin e drejtësisë.
- 4.9 Gjyqtari mund të formojë apo të jetë anëtar i shoqatave të gjyqtarëve apo shoqatave tjera ku përfaqësohen interesat e gjyqtarëve.
- 4.10 Gjyqtari dhe anëtarët e familjes së tij të ngushtë nuk mund të kërkojnë as të pranojnë dhurata, testament, hua apo shërbime tjera për veprim ose mosveprim përgjatë ushtrimit të funksionit gjyqësor, gjithashtu me vetëdije nuk lejon personelit gjyqësor apo të tjerëve të cilët janë nën mbikëqyrje të tij.
- 4.11 Në përputhje me dispozitat ligjore që rregullojnë deklarimin e dhuratave, gjyqtari nuk mund të pranojë apo dhurojë dhuratë qoftë edhe simbolike përveç gjatë ndonjë vizitë protokollare apo të ngjashme.
- 4.12 Gjyqtari nuk do të lejojë që ndonjë anëtar i komunitetit ligjor duke (përfshirë por pa u kufizuar me: noter, avokatë apo përmbarues privat) të shfrytëzojë shtëpinë, banesën ose ndonjë hapësire tjetër të tij si zyre.
- 4.13 Gjyqtari gjatë ushtrimit të funksionit të tij në sallë të gjykimit apo hapësirat tjera që zëvendësojnë sallat e gjykimit gjatë gjithë kohës mban të veshur togën gjyqësore derisa në rastet tjera duhet t'i përbahet rregullave të veshjes formale.

## **5. Profesionalizmi dhe përgjegjësia në punë**

Gjyqtari mban nivel të lartë të aftësive profesionale dhe ushtron funksionin e tij në mënyrë profesionale, të përgjegjshme dhe efikase.

### **Zbatimi**

- 5.1. Funksioni i gjyqtarit ka prioritet kundrejt të gjitha aktivitetave tjera të gjyqtarit.
- 5.2 Gjyqtari është i detyruar që të organizojë punën brenda orarit të punës me qëllim të shfrytëzimit të plotë dhe efikas të orarit të punës.
- 5.3 Gjyqtari avancon njohuritë e tij në mënyrë të vazhdueshme, aftësitë dhe cilësitë personale në qëllim të ushtrimit adekuat të funksionit të tij.
- 5.4. Gjyqtari përcjell praktikën relevante në të drejtën vendore dhe ndërkombëtare, që nënkupton konventat ndërkombëtare dhe instrumentet tjera që kanë të bëjnë me mbrojtjen e të drejtave dhe lirive të njeriut.
- 5.5. Gjyqtari ushtron funksionin e tij në mënyrë efikase dhe të ligjshme.
- 5.6. Gjyqtari ushtron funksionin e tij me durim, me dinjitet dhe korrektësi, si ndaj palëve në procedurë po ashtu ndaj personave tjerë në të cilët ka kontakt profesional dhe një sjellje e tillë kërkohet prej përfaqësuesve ligjor, personelit gjyqësor dhe të tjerëve në mbikëqyrjen e tij.

## **6. Konfidencialiteti dhe raportet me publikun dhe mediat**

Gjyqtari nuk do të zbulojë informacione të fshehta apo konfidenciale për të cilat është në dijeni me rastin e zhvillimit të procedurave përvçe nëse kjo përbën një detyrim ligjor.

Gjyqtari duhet të respektojë fshehtësinë dhe konfidencialitetin e të gjitha shqyrtimeve gjyqësore, dhe nuk duhet të bëjë komente publike ose të jap informacione për ndonjë rast.

### **Zbatimi**

- 6.1 Gjyqtari duhet që në paraqitjet publike të promovojë autoritetin e profesionit të gjyqtarit.
- 6.2 Gjyqtari ka për detyrim që të përbahet nga çfarëdo sqarimi për mediume dhe palët tjera të interesuara lidhur me rastet konkrete përvçe nëse ka autorizim për një gjë të tillë.

- 6.3 Gjyqtari ka për detyrim që të përbahet nga çfarëdo komentimi në publik lidhur me performancën ose efikasitetin e gjyqtarëve, bartësve të funksioneve gjyqësore apo sistemit në përgjithësi.
- 6.4 Gjyqtari i cili është i autorizuar për dhënien e informatave, duhet të ketë parasysh që të jetë objektiv dhe i saktë në informatat të cilat i plason, të jetë i kujdeshëm në mbrojtjen e të dhënave personale dhe familjare të palëve dhe pjesëmarrësve të tjerë në procedurë, mbrojtjen e interesit të të miturve, mbrojtjen e jetës private dhe familjare të të dëmtuarve dhe të pandehurve, dhe që të drejtat e tyre të mos shkelen.

#### Zbatimi i këtij Kodi

- 7.1 Ky Kod Etik hyn në fuqi me 1 shtator 2016. Me hyrjen në fuqi të këtij Kodi shfuqizohet Kodi Etik dhe Sjelljes Profesionale për Gjyqtarë i datës 25 prill 2006 (i amandamentuar me 5 shtator 2006).
- 7.2 Procedurat e filluara para hyrjes në fuqi të këtij kodi zhvillohen dhe përfundohen sipas Kodit Etik dhe Sjelljes Profesionale për Gjyqtarë të datës 25 prill 2006 (i amandamentuar me 5 shtator 2006).
- 7.3 Ky Kod Etik zbatohet përshtatshmërisht edhe për gjyqtarët porotë duke përjashtuar rregullat që kanë të bëjnë me aktivitetin jo-gjyqësor.

